

“დადებით უფლის მიერ შეჩვენებული [რუსული] “საეკლესიო“ იმპერიალიზმის წინააღმდეგ” - ალექსანდრიის პატრიარქი ეპისკოპოსებს მიმართავს



რუსეთის ეკლესიის შეჭრასთან დაკავშირებით ახალი განგაშის ბარი ალექსანდრიის პატრიარქისგან

ალექსანდრიისა და სრულიად აფრიკის პაპი და პატრიარქი თეოდორე, ახალი ცირკულარით, კიდევ ერთხელ რეკავს განგაშის ბარს, იმის შესახებ, თუ რა ხდება აფრიკის კონტინენტზე, მოსკოვის საპატრიარქოს გადანაცვეტილების შემდეგ, უძველესი საპატრიარქოს კანონიკურ ფარგლებში შექმნას თავისი ეგზარქია.

ქვრო დეტალურად, თავის ცირკულარში, მისი უნეტარესობა საუბრობს მართლმადიდებლური სამრევლოების მიტაცებაზე, საპატრიარქოსაგან განდგომილი მღვდლებისა და მრევლის ფულადი მოქრთამვის გზით, საპატრიარქოს იერარქების მოხსენებებზე დაყრდნობით, რუსეთის ეკლესიის აფრიკის კონტინენტზე შემოჭრის გამო, რასაც პატრიარქი ახასიათებს როგორც ანტიკანონიკურ, არარეგულარულ და მიუღებელ ენერგიას.

ამავე დროს, ის მოუწოდებს საპატრიარქოს მიტროპოლიტებს და ეპისკოპოსებს, მიიღონ ადგილობრივი კანონმდებლობით გათვალისწინებული ნებისმიერი ზომა,

საეკლესიო ეპარქიების მოძრავი და უძრავი ქონების უზრუნველყოფისათვის და დაუყონებლივ დააბრუნონ ნებისმიერი საკუთრება თავისი იურიდიული პირის (მიტროპოლიების და ეპისკოპების) კანონიერ მფლობელობაში, ნებისმიერი დამრღვევისაგან.

„ქრონოლოგიურად უფრო ახალგაზრდა რუსული ეკლესიის ამ მტაცებლური და უპატივცემულო ქცევის შემდეგ ჩვენი უძველესი პრეზვიტერული საპატრიარქოს მიმართ, რომელიც თავისი უწყვეტი ორიათას წლიანი მონამეობრივი ცხოვრებითა და მოქმედებით, უპირველეს ყოვლისა მისი სამოციქულო მემკვიდრეობითა და ტრადიციით, აფრიკის ყველა სახელმწიფე უძველესია, მამობრივი სიყვარულით ვბრძანებთ, აუცილებლად განახორციელოთ ადგილობრივი კანონმდებლობით გათვალისწინებული ნებისმიერი აქტი, წმინდა მიტროპოლიებისა და ეპისკოპების იურიდიული მრჩევლების დახმარებით, საეკლესიო ეპარქიების მოძრავი და უძრავი ქონების უზრუნველყოფისათვის და დაუყონებლივ დააბრუნეთ ნებისმიერი საკუთრება თავისი იურიდიული პირის (მიტროპოლიების და ეპისკოპების) კანონიერ მფლობელობაში, ნებისმიერი დამრღვევისაგან.

აღსანიშნავია, რომ ამ ბრძოლის კონტექსტში, ადგილობრივი კანონმდებლობის შესაბამისად, იკვეთება განახლება და უდიდესი მნიშვნელობა შემდეგი საკითხისა: წმინდა მიტროპოლიების და ეპისკოპების ყველა სახის უძრავი ქონება რაც შეიძლება სწრაფად იქნეს ათვისებული და კანონიერ ფლობასა და გამოყენებაში მოყვანილი“ – ბრძანებს თავის ცირკულარში ალექსანდრიის მწყემსმთავარი.

მისი უნეტარესი ასევე მითითებებს აძლევს ეპარქიების მღვდელმთავრებს, სქიზმაში გასულ სასულიერო პირების საკითხთან დაკავშირებით, საუბრობს საწყის ეტაპზე მათთვის სამღვდლო მოქმედების შეჩერების დაწესებაზე, ვიდრე კომპეტენტური სასულიერო სასამართლოს მიერ საბოლოო საერთო გადანაცვეტილება იქნება მიღებული.

მისი ცირკულარულის ეპილოგში ალექსანდრიის პატრიარქი მიმართავს საპატრიარქო ტახტის მიტროპოლიტებსა და ეპისკოპოსებს და აცხადებს: „მოგიწოდებთ მამობრივი სიყვარულით, დადებით წმინდა მართლმადიდებლური თავგანწირული სულისკვეთებით, კადნიერებითა და სიმამაცით, ჩრთილოეთიდან წამოსული არაისტორიული, ძალადობრივი, ანტიქრისტიანული – და ამ მიზეზით უფლის მიერვე შეჩვენებული – „საეკლესიო“ (!) იმპერიალიზმის წინააღმდეგ“.